



COMUNE DE MARA

Provìntzia de Tàtari

DELIBERATZIONE DE SA GIUNTA COMUNALE N. 66 de su 14/09/2022

OGETU: FESTIVAL ITINERANTE DE LETURA PRO PITZINNO E PITZOCOS
“MORROCLUSAS”.
ATU DE INDIRITZU A SU RESPONSÀBILE DE SU SERVÌTZIU

S'annu duamìgia e bintiduos, sa die batordighi, de su mese de Cabudanni a sas 17:10, s'est reunida in sa SEDE DE SA GIUNTA posca de àere acumpridu totu sas formalidades prevididas dae sa Lege de s'Istadu e dae s'Istatutu, sa Giunta Comunale suta de sa presidèntzia de su Sìndigu CHessa.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	CHESSA PAOLO	EMMO
VITZESÌNDIGU	MONNI CRISTINA	EMMO
ASSESSORE	SALARIS RICCARDO	--
ASSESSORE	FIORI ANTONIO	EMMO

Presentes n° 3 Ausentes n° 1

Partètzipat su Segretàriu Comunale FALCHI ANTONIO MARIA, chi redatzionat custu verbale.

Essende legale su nùmeru de sos interbènnidos, su Sìndigu CHessa PAOLO, in sa calidade sua de Presidente, leat sa presidèntzia e decrarat aberta sa setziada pro trattare s'ogetu torradu a giùghere subra.

SA GIUNTA COMUNALE

PREMITIDU CHI in s'ambitu de sos servìtzios sòtziau culturales su Comune de Mara garantit, istimulat sa crèschida individuale e de totus, reconnoschende su deretu de sos tzitadinos a s'informatzione e a sa documentatzione pro mèdiu de sa promotzione de sa letura de sos libros, s'iscritura, sa pintura e sa creatividade;

RECONNOTU chi est intentzione de custa Amministratzione garantire a sos giòvanos e a sas famillias un'occasione de crèschida culturale e de connoschèntzia, de sotzializatzione e de isperimentatzione de situatziones relatzionales noas;

BIDA sa rechesta presentada dae s'Assotziu Culturale “ Andala Noa” cun sede legale in carrera Padre Lanzani, 4 cun sede legale in Borutta, cun sa cale at presentadu su progetu pro s'ammanadura de su “ Festival literàriu e itinerante “ Morroculas”, dedicadu a sa promotzione de sos libros de literadura iscritos dae autores sardos o chi istant in Sardigna, fatu pro unu pùblicu de pitzinnos e pitzocos dae sos 6 a sos 11 annos e previdit unos cantos momentos de formatzione e de aprufundimentu pro unu pùblicu de mannos;

RECONNOTU chi si cunsiderat oportunu accollire custa rechesta;

RITÈNNIDU, duncas de cuntzèdere su contributu econòmicu, che pare a € 500,00;

BIDA sa Delibera de G.C.C. n. 60 de su 28.09.1991 cun sa cale est istadu aprovalu su regulamentu comunale pro sa disciplina de sa cuntzessione de giuamentos, contributos, sussìdios e agiudos finantiàrios pro s'atribuzione de vantàgios econòmicos;

AVERIGUADA sa disponibilidade econòmica netzessària pro sa tzifra che pare a € 500,00 a su cap.11730 de su Bilàntziu de Previsione de s'esertitziu finantiàriu 2022;

BIDA sa Delibera de su Consìgiu Comunale **n. 6 de su 14.03.2022** cun sa cale est istadu aprovalu su Documentu Ùnicu de Programmatzione 2022-2024 (DUP simplificadu);

BIDU su Bilàntziu de Previsione de sos Tres annos 2022-2024 – Esertitziu Finantiàriu de su 2022, aprovalu cun Delibera de su Consìgiu Comunale **n. 7 de su 14.03.2022**;

ACHISIDOS, sos parres a favore espressados dae sos Responsàbiles de sos Servìtzios interessados, in òrdine a sa regularidade tècnica e regularidade contàbile cunforma a s'art.49 de su T. U. E. L. n. 267/2000;

TOTU custu premitidu;

CUN votatzione a favore, espressada in sas formas de lege totu de acordu

DELÌBERAT

DE RECONNÒSCHERE chi sa premissa constituit parte integrante e sustanziale de custu atu e de cunseghèntzia:

DE APROVARE s'iniziativa de s'Assotziu Culturale “ Andala Noa” cun sede legale in Boruta, cun sa cale at presentadu su progetu pro s'ammanadura de su “ Festival literàriu e itinerante “ Morroculas”, dedicadu a sa promotzione de sos libros de literadura, iscritos dae autores sardos o chi istant in Sardigna, fatu pro unu pùblicu de pitzinnos e pitzocos dae sos 6 a sos 11 annos e previdit

unos cantos momentos de formatzione e de aprufundimentu puru pro unu pùblicu de mannos;

DE CUNTZÈDERE unu contributu econòmicu pro sustènnere sas ispesas pro s'acumprida de su progetu pro sa realizatzione de su “ Festival literàriu e itinerante “ Morroculas”, dedicadu a sa promotzione de sos libros de literadura sarda;

DE AUTORIZARE sa cuntzessione de unu contributu econòmicu pro sas finalidades acraradas subra in sa misura complessiva de € **500,00**;

DE RECONNÒSCHERE chi sa disponibilidade econòmica netzessària agatat cobertura pro s'importu de € 500,00 subra de su cap. 11730 de su Bilàntziu de Previsione de su 2022;

DE PUBLICARE custa deliberatzione in su giassu istituzionale de su Comune, setzione amministratzione trasparente, cunforma a s'art. 26 de su D.Lgs. n. 33/2013 e mm.ii.ii;

Cun àtera votatzione totu de acordu, espressada in sas formas de lege, delibera de torrare custa deliberatzione luego esecutàbile cunforma a s'art. 134, comma 4° de su D.Lgs. 267/2000 e mm.ii.ii.

PARRE DE REGULARIDADE TÈCNICA

Su Responsàbile de su Servìtziu, cunforma a s'art. 147/bis de su TUEL 267/2000 e de s'art. 11 de su Regulamentu subra de sos controllos internos, in òrdine a sa proposta n.ru 523 de su 14/09/2022 espressat parre **A FAVORE**.

Parre firmadu a manera digitale dae su Responsàbile de su Servìtziu ISTR. DIRETIVU DONEDDU SABRINA in data 14/09/2022.

PARRE DE REGULARIDADE CONTÀBILE

Su Responsàbile de su Servìtziu, cunforma a su D.Lgs. 267/2000 art. 151 c. 4, in òrdine a sa regularidade contàbile de sa proposta n.ru 523 de su 14/09/2022 espressat parre **A FAVORE**.

Parre firmadu a manera digitale dae su Responsàbile de su Servìtziu **CHESSA PAOLO** in data 14/09/2022.

LÈGHIDU APROVADU E SUTASCRITU

Su Presidente
CHESSA PAOLO

Su Segretàriu Comunale
FALCHI ANTONIO MARIA

NOTA DE PUBLICATZIONE N. 670

Su 19/09/2022 est publicada in s'Albu Pretòriu sa Delibera de Giunta n.ru 66 de su 14/09/2022 cun ogetu: **FESTIVAL ITINERANTE DE LETURA PRO PITZINNOS E PITZOCOS "MORROCULAS". ATU DE INDIRITZU A SU RESPONSÀBILE DE SU SERVÌTZIU**

At abarrare afissada pro 15 dies sighidas cunforma a s'art 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae **BUIONI ANGELA** su 19/09/2022.

Còpia digitale de documentu informàticu firmadu e produidu cunforma a su Dlgs 82/2005 e normas respetivas collegadas